

مش هاقولك

وهبه البوهي
مصري / طبيب بشري

مش هاقولك لما شوفتك

قلبي كان حاسس ب إيه

اسألني قلبك يدلك ع إللي قلبي حس بيه

اطلقي العنان لفكرك وهو يعرف حس إيه

قلبي ماشي زي ضلك والورود ما بين ايديه

مستني بس نظرة منك والعيون تيجي ف عينيه

ومش هاقولك ياحياتي الورد راخر قالي إيه

مش هاقولك لما شوفتك قلبي كان حاسس ب إيه

لما شوفتك شوفت كل الدنيا وردي

والنجوم ترقص باليه

والقمر نوره اتخسف من جمالك برضه ليه
والشمس راحت من كسوفها كل ضوء بتداريه
نورتي كل الكون بنورك يبقى تطلع شمس ليه؟
مش هاقولك لما شوفتك قلبي كان حاسس ب إيه
لما شوفتك شوفت كل الدنيا حلوة
كل كلمة بتنطقها بتيجي عندي تبقى غنة
غنة من كلمة بحبك لما كنتي بتقولها
وقلبي لما سمعها منك حس روعي طايره بيها
وأشوف آثار الشوق في قلبك وتمدي إيدك تحضنيني
وبتوه خيالي في وصف حبك ووصف شوقي وحنيني
طب قوليلي أنا أعمل إيه وانت بي بعيدة عن عيني
وبتهجريني بس ليه ومش بتحنيني ليه عليا
مش هاقولك لما شوفتك
قلبي كان حاسس ب إيه